

International Institute of Christian Ministries

CR 102

**FOTO-KEVITRY NY FIJOROANA  
VAVOLOMBELONA ATAON'NY  
TENA MANOKANA**

Fandaharam-pianarana  
Nomanin'i  
Jonathan Kuntaraf, Lehibe Mpanampy  
Departemantan'ny Sekoly Sabata/Asa Fitoriana  
Foibe Manerantanin'ny Fiangonana Advantista Mitandrana ny andro Fahafito  
12501 Old Columbia Pike  
Silver Spring, Maryland 20904-6600

## **FAMPIHARANA TAKIANA TSY MAINTSY ATAO :**

**CR102                      Mahatarika olona roa fara-fahakeliny hivavaka ao am-  
piangonana mandritra ity taona ity.**

### **FIZAHAN-TAKILA**

Toko 1: Fampidirana ny Herin'ny Asa Fitoriana

Toko 2: Ny Teolojian'ny Fandraisana Anjara

Toko 3: Ny Fandraisana Anjara amin'ny Asa Fitoriana sy ny Iraka  
Atao amin'izany

Toko 4: Ny Dingan'ny Fijoroana Vavolombelona

Toko 5: Mahita Fahalianana

Toko 6: Fijoroana Vavolombelona

### **Toko 1**

- I. Mianatra avy amin'ny apostoly. Haingana be ny fitombon'ny fiangonana tamin'ny andron'ny Testamenta Vaovao. Araka ny voalaza ao amin'ny Asa 1:15, dia mpianatra 120 no nivory to amin'ny efitrano ambony. Araka ny hita ao amin'ny Asa 2:41,42, dia 3.000 no isan'ireo vao niova fo. Araka ny voalazan'ny andininy 47 dia nanampy isa azy ireo isan'andro Andriamanitra. Ny Asa 4:4 dia milaza fa nisy lehilahy 5.000 tamin'izany. Alaivo sary an-tsaina hoe nanambady ny atsasak'izy ireo ary nanan-janaka, noho izany dia mety nahitana mambra be dia be hatrany amin'ny 10.000

tamin'izany fotoana izany. Nitohy ny fitombon'ny fiangonana, niha-betsaka hatrany.

Hitantsika ao amin'ny Asa 21:20 fa an'arivony maro ny Jiosy (ilay teny Grika hoe "myriads" dia midika hoe alinaliny maro). Inona no antony nampitombo be ny fiangonana? Satria ny isambatan'olona dia samy nandray anjara tamin'ny fijoroana vavolombelona. Araka ny fampanantenan'Andriamanitra dia hitondra fijinjampanahy ny Tompo rehefa mandray anjara ny mambra laika.

- II. "Tsy mety ho vita mihitsy ny asan'Andriamanitra eto amin'ity tany ity raha tsy miara-mientana amin'ilay asa ireo lehilahy sy vehivavy mambra ao anatin'ny fiangonantsika, ary manambatra ny heriny amin'ny an'ireo mpitondra fivavahana sy mpandraraha ao am-piangonana..." (Gospel Workers, t.352)

Milaza mazava tsara io fanambaràna io fa tsy ho vita mihitsy ny asa raha tsy maro amin'ny mambrantsika izay voasoratra anarana ao anatin'ny bokim-piangonana no miara-miasa amin'ny mpitondra fivavahana sy ny mpandraraha ao am-piangonana. Haingana be ny fitombon'ny tafika laika mpitory miasa, ary mila fanofanana sy fitarihan-dalana mahomby kokoa miaraka amin'izany.

Ambaran'ny mpanompon'Andriamanitra amintsika fa "Tsy tokony hisy fahatarana eo amin'io ezaka tsara rafitra hanabeazana ny mambran'ny fiangonana io." (Testimonies, vol.9, t.119)

- III. Ny tahan'ny fitombon'ny fiangonana. Ny antontan'isa dia maneho fa arakaraky ny haben'ny fanofanana azon'ny mambran'ny fiangonana no hitomboan'ny

fandraisan' anjara amin' ny toerana sasany, ary hitomboan' ny asa faingana. Diniho avy amin' ity salan' isan' ny fitombon' ny fiangonana ity, ho an' i Eropà, Japana, Amerika Avaratra, Amerika Atsimo, Amerika Afovoany, Afrika Atsinanana, Fivondronambe Meksikana, ary ny Fivondronamben' i Filipina Atsimo tamin' ny taona 1988, fa raha toa ny salan' isan' ny mambra sy ny pasitora ka ahitana pasitora 1 ho an' ny mambra 169, dia 1,25% monja ny salan' isam-pitomboana. Raha toa ka pasitora iray ho an' ny mambra 628, dia 8,92% ny tahan' ny fitomboana.

Ankehitriny àry, jereo i Afrika Atsinanana, ny Fivondronambe Meksikana, ary ny Fivondronamben' i Filipina Atsimo, izay ahitana pasitora iray monja ho an' ny mambra 1.000. Ny tahan' ny fitomboana dia 12%. Tsy milaza amintsika akory io antontan' isa io hoe mila manana pasitora vitsy isika, fa kosa mila mambra be be kokoa mandray anjara amin' ny famaboana fanahy. Ary arakaraky ny ahazoantsika mambra be dia be, no ahavitantsika mampitombo be ny fiangonana.

- IV. Firy isan-jato no isan' ny mambrantsika mandray anjara amin' ny hetsika fijoroana vavolombelona? (Omeo tombotsoa hilaza ny valinteniny ny mpandray anjara.) Mety ho 80%, 60%, 50%, 10%, na 1% monja indraindray ny valinteny.
- V. Mametraha fanontaniana hafa: Nahoana ny olona no tsy mandray anjara? Omeo tombotsoa hamaly ny fanontaniana ny olona. Mety hamaly izy ireo hoe: matahotra izy, tsy mivavaka izy, tsy ampy fitaovana izy, na valiny maro hafa.
- VI. Hifanakalozy hevitra ny antony tsy handraisan' ny olona anjara. Misy antony fototra enina:

1. Tsy mahatoky tena
2. Tsy fahalalana ny zavatra mety ho vitan'ny tena
3. Tsy mba nangatahana hanao ilay zavatra mihitsy
4. Tsy nahazo fihofanana
5. Voafetra ny fahatakarana ny momba ilay andraikitra
6. Tsy mazoto

A. Antony Voalohany: Tsy mahatoky tena. Hazavao ny antony mahatonga ny olona tsy hatoky tena.

- ▯ Matahotra aho
- ▯ Tsy dia tena mahay aho
- ▯ Tsy manan-kery hanaovana izany aho
- ▯ Efa antitra loatra aho

Hifanakalozy hevitra ny teboka tsirairay avy.

Matahotra aho: Natahotra ihany koa i Mosesy tamin'ny fanatontosana ny andraikiny amin'ny maha-mpitarika azy. Azon'ny Tompo nampiasaina hanao asa tsara anefa izy.

Tsy dia tena mahay aho. Tsy mety ho tonga lafatra mihitsy isika raha tsy mijoro ho vavolombelona.

Tsy manan-kery hanaovana izany aho. I Jesosy irery ihany, amin'ny alaln'ny herin'ny Fanahy Masina, no afaka mampahery antsika hanao asa. Tsy manan-kery isika raha mandeha irery.

Efa antitra na mbola tanora loatra aho, izany no mety ambaran'ny olona sasany, ny Tompo anefa dia mbola afaka mampiasa antsika ihany na firy na firy taona aza isika.

B. Antony Faharoa: Tsy fahalalana ny zavatra mety ho vitan'ny tena. Ampiasao ilay fanazavana momba an'Yates Pool.

Nanan-karena tokoa i Yates. Nanana tany lehibe izy. Nanandrana namboly zava-maniry maro izy, kanefa tsy nahavanona voa tsara mihitsy. Niezaka hatrany izy, kanefa tsy nahomby foana. Noho izany, taorian'ny niezahany imbetsaka dia kivy izy nony farany. Lasa nahantra aok'izany izy ary voatery nivelona tamin'ny fanampiana avy amin'ny fanjakana. Nisy olona tonga nitsidika azy indray andro ary nilaza fa te hanao fanandramana amin'ny taniny. Hoy izy: "Eny tokoa, azonao atao izay tianao atao amin'ny taniko." Noho izany dia nanaovana fanandramana ilay tany, ary nahazoana solika 90.000 barila tao anatin'ny indray andro! 30 taona izay no lasa, mbola ahazoana solika 150.000 barila isan'andro ihany ny taniny hatramin'izao.

Apetraho ny fanontaniana hoe: Efa tao ve ilay solika fony izy nahantra? Eny tokoa, fa ny olana dia tsy fantany hoe nanana izany izy. Mitombina ihany koa ny zavatra toy izany amin'ny mambra Advantista maro izay manana fahaiza-manao amin'ny fijoroana vavolombelona, kanefa tsy mahafantatra izany fahaiza-manaony izany.

C. Antony Fahatelo: Tsy mba nangatahana hanao ilay zavatra mihitsy. Mety hitombina ny ahitana pasitora sasany tia manao ny zava-drehetra ary tsy dia tia mizara andraikitra amin'ny hafa mihitsy.

Azo antoka fa tsy mba nanontany manokana ny mambra izy ireny, kanefa dia maro tokoa ny olona izay te handray anjara raha toa ka hangatahana handray anjara izy ireny.

D. Antony Fahefatra: Tsy nahazo fihofanana. Christian Service, t.59: "Maro ny olona izay vonona hiasa raha toa ka hampianarina azy ireny ny fomba fanombohana." Zava-dehibe tokoa ny fanofananana mba hampitaovana ny olona amin'ny fanaovana hetsika fijoroana vavolombelona.

E. Antony Fahadimy: Voafetra ny fahatakarana ny momba ilay andraikitra. Ny mambra sasany dia mahatsapa fa andraikitra ny pasitorany ihany ny fitorianteny sy ny fampianarana. Ny zavatra tokana heveriny fa tokony ataony dia ny mankany ampiangonana sy ny mandrotsaka fanatitra fotsiny ihany.

Izao no voalaza ao amin'ny Christian Service, t.68: "Ny fanapariahana ny fahamarinan'Andriamanitra dia tsy natao ho an'ny mpitondra fivavahana vitsy voahosotra."

Mbola ao amin'ny boky "Christian Service", t.68 ihany no ahitantsika hoe: "Hadisoana be ny fiheverana fa ny mpitondra fivavahana no tsy maintsy milanja ny vesatra rehetra ary manao ny asa rehetra." (Ezaho fantarina ny isan'ny mponina eo amin'ilay firenena sy ny isan'ny mambra Advantista ary ny pasitora eo amin'ilay firenena. Betsaka kokoa ny salan'isan'ny mambra sy ny

mponina, raha mitaha amin'ny an'ny pasitora sy ny mponina eo amin'ilay tanàna. Raha toa ka maro kokoa ny mambra mandray anjara, dia maivana kokoa ilay vesatra, a ry lehibe kokoa ny fahazoana antoka ny mety ahavitan'ilay asa.)

F. Antony Fahenina: Tsy mazoto. Inona avy ireo zavatra izay hanosika ny mambrantsika hijoro vavolombelona? Zavatra horesahana ao amin'ny Toko 2 sy 3 izany.

VII. Ny fiangonana amin'ny maha-ivon-toeram-pihofanana azy. Ny fahalalana fa ny laika no loharano mahery hamitana ny asan'Andriamanitra, dia zava-dehibe ny fanaovana izay hahatonga ny fiangonana rehetra ho tonga ivon-toeram-pihofanana.

“Ny fiangonana tsirairay avy dia tokony ho sekoly fihofanana ho an'ny Kristiana mpiasa. Tokony hampianarina ny mambra ao aminy ny fomba fanomezana tari-dalana famakiana ny Baiboly, ny fomba fitarihana sy fampianarana ny kilasin'ny Sekoly Sabata, ny fomba tsara indrindra hanampiana ny mahantra sy hikarakarana ny tsy salama, ary ny fomba fiasa amin'ny olona ozay mbola tsy niova fo. Tsy tokony ho fampianarana ihany no hita, fa asa ampiharina mihitsy, eo ambany fitarihan'ny mpampianatra efa nandalo fanandramana.” (Christian Service, t.59)

A. Zava-dehibe ny fandaminana ny hery Kristiana



"Ny fiangonana dia ivon-toerana tendren'Andriamanitra ho famonjena ny olona. Izy io dia nalamina ho an'ny asa fanompoana, ary ny andraikiny dia ny hitondra ny Filazantsara amin'izao tontolo izao." (The Acts of the Apostles, t.9)

"Tsy maintsy atao ao amin'ny fiangonana ny asa tsara lamina, mba ahafahan'ny mambra ao anatin'ny mahatakatra ny fomba hampitana ilay fahazavana amin'ny hafa, ary manamafy ny finoan'ny tenany manokana sy mampitombo ny fahalalany. Rehefa mizara izay azony avy amin'Andriamanitra izy ireo, hiorina mafy amin'ny finoana. Ny fiangonana miasa dia fiangonana velona. Isika dia miroina toy ny vato velona, ary ny vato tsirairay avy dia tokony hampamiratra fahazavana. Ny Kristiana tsirairay avy dia ampitahaina amin'ny vato sarobidy izay mandray ny voninahitr'Andriamanitra ary mampamiratra izany." (Christian Service, tt.72,73)

#### B. Ny fiangonana dia tafika iray

"Azo ampitahaina tsara amin'ny tafika ny fiangonan'i Kristy. Ny fiainan'ny miramila tsirairay avy dia ahitana asa mafy, fahoriana, ary loza. Fahavalo miambina fatratra no eny rehetra eny, tarihin'ny zanaky ny mpanjakan'ny haizina, izay tsy mba miala sasatra mihitsy na manao antsirambina ny asany. Isaky ny misy Kristiana tsy miambina dia manao fanafihana tampoka sy mahery io fahavalo matanjaka io. Raha tsy mihetsiketsika sy tsy miambina ny mambran'ny fiangonana, dia ho resin'ny fitaovana ampiasainy."

“Manao ahoana moa raha sondriana na matoritory ny atsasaky ny miaramila ao anatin’ny tafika iray rehefa baikoina hanao ny andraikiny; faharesena, fahababoana, na fahafatesana no vokany. Moa ve hisy afaka handositra ny tanan’ny fahavalony, na hihevitra fa ho mendrika ny handray ny valisoany? Tsia; fanamelohana ho faty avyhatrany no ho azon’izy ireo. Ary raha toa tsy mitandrina na tsy mahatoky ny fiangonan’i Kristy, dia vokany mbola mahery vaika lavitra noho izany no hiseho. Tafika matorin’ny miaramila Kristiana, tsy misy zava-doza tahaka izany! Inona àry ny fandrosoana tokony atao eo anatrehan’izao tontolo izao, izay eo ambany fifehezan’ny zanaky ny mpanjakan’ny haizina? Ireo izay tsy miraharaha ao anatin’ny andro fiadiana, toy ny hoe tsy mahatsapa ho liana na tompon’andraikitra amin’ilay ady atrehana ny tenany, dia mety amin’izy ireny kokoa ny manova ny lâlany na miala an-daharana dieny izao.” (Testimonies, vol.5,t.394)

#### C. Ny andraikitra amin’ny fanomezana toromarika

“Ireo mpiandraikitra ara-panahy ao am-piangonana dia tokony hizara lâlana sy fomba izay hahafahana manolotra tombotsoa ho an’ny mambra tsirairay avy ao am-piangonana, handraisany anjara ampahany amin’ny asan’Andriamanitra. Matetika loatra no tsy dia vita izany tamin’ny lasa. Tsy nisy drafitra nipetraka nazava tsara sy voasoritra, izay ahitana ny talentan’ny rehetra ampiasaina amin’ny asa fanompoana

mavitrika. Vitsy ihany no mahatsapa ny haben'ny fahaverezany vokatr'izany zavatra izany."

"Ny mambra any amin'ny fiangonana tsirairay avy dia tokony hofanina mba hanokanany fotoana amin'ny famaboana fanahy ho an'i Kristy. Ahoana moa no fomba ahafahana milaza ny fiangonana, "Ianao no fahazavan'izao tontolo izao," raha tsy manaparitaka hazavana ireo mambran'ny fiangonana? Aoka ireo izay natao hiandraikitra ny andian'ondrin'i Kristy mba hifoha hanao ny andraikiny, ary hitaona fanahy maro hiasa." (Christian Service, t.61)

#### D. Fandrosoana faingana kokoa

"Eto amin'ity firenena ity ary any amin'ny firenena any ivelany, ny anton'ity fahamarinana ankehitriny ity dia ny hanao fandrosoana haingana kokoa mihoatra noho izay efa vita tany aloha. Raha miroso amimpinoana ny vahoakantsika, manao izay rehetra azony atao mba hanatontosana fanombohana, ary manao asa mifanaraka amin'ny fetran'i Kristy, dia hisokatra eo anoloan'izy ireo ny lalana. Raha toa ka asehon'izy ireo ny hery ilaina ahazoana fahombiazana, ary ny finoana izay mialoha lalana tsy misy fametrahana fanontaniana momba ny fankatoavana ny baikon'Andriamanitra, dia ho azon'izy ireo ny valisoa be. Tsy maintsy mandeha lavitra sy faran'izay haingana izy ireo, ka mivonona hanao ny zavatra tena nolazain'ny Tompo fa tokony atao. Izy ireo dia tokony

hanana finoana mifatratra sy lalina, tsy miovaova..."  
(Evangelism, tt.18,19)

#### E. Mahery be kokoa

"Mila miroso lalindalina kokoa ao anatin'ny ezaka atao ho an'i Kristy isika. Ilay hafa-pahamarinana mangingina dia tokony hozaraina amin-kery be kokoa, izay hahataona ny tsy mpino ahita fa Andriamanitra dia miara-miasa amin'ny ezaka ataontsika, ary ny Avo Indrindra no loharanon'ainan'ny herintsika." (Evangelism, t.697)

#### F. Fifidianana mpitarika manana hatsarana

"Ny loholona sy ireo izay manana toerana maha-mpitarika ao am-piangonana dia tokony hisaintsaina be be kokoa ny amin'ny drafitra hitondrany ny asany. Tokony halamin'izy ireo ny zava-drehetra mba ahatonga ny mambra tsirairay avy ao am-piangonana hananana anjara hotanterahana, ka tsy hisy hananana fiainana tsy misy tanjona, fa ny rehetra dia samy hahavita izay azony atao, araka ny fahaiza-manaony maro avy... Tena zava-dehibe tokoa ny fanomezana fanabeazana tahaka izany ho an'ny mambran'ny fiangonana, mba ahatonga azy ireo tsy ho tia tena, hanana fandavatena, ho mpiasa mahomby ho an'Andriamanitra; ary amin'ny alalan'izany fianarana izany irery ihany no ahafahan'ny fiangonana misoroka ny tsy famokarana sy ny fahafatesana... Aoka ny mambra tsirairay avy ao am-piangonana mba ho tonga mpiasa mavitrika, vato velona mampita hazavana ao amin'ny tempolin'Andriamanitra." (Christian Service, t.62)

#### G. Ny filàna tena lehibe amin'izao ora izao

"Tsy tokony hisy fihemorana amin'ny ezaka tsara lamina hanabeazana ny mambran'ny fiangonana... Efa be loatra ny toriteny ren'ny olona; kanefa moa ve mba

nampianarina azy ireo ny fomba fiasa ho an'ireo izay nahafatesan'i Kristy? Moa ve efa novolavolaina sy napetraka teo anoloan'izy ireo ny lahatr'asa, amin'ny fomba izay ahitan'ny tsirairay avy ny filàna mandray andraikitra ao anatin'ilay asa?

... Amin'ny alalan'ny fanabeazana sy ny fandraisana anjara no mampitombo ny fahaiza-manaon'ny olona eo anatrehan'ny zavatra mety hitranga tampoka; ary ilaina ny fanaovana drafitra amim-pahendrena mba hametrahana ny tsirairay avy amin'ny toerana tokony hisy azy, mba hahazoany fanandramana hampitombo ny fahaizany miazaka ny andraikiny." (Christian Service, tt.58,59)

## Toko 2

### Ny Teolojian'ny Fandraisana Anjara

#### I.Ny fiangonana dia iraka ampanaovina

A. Ny fiangonana, tahaka ny Tenan'i Kristy, dia manana tanjona tahaka ny an'i Kristy ihany koa. Ny zavatra izay nimasoan'i Kristy ihany no tokony imasoan'ny fiangonany.

1. "Fa ny Zanak'Olona tsy tonga mba hotompoina, fa mba hanompo ka hanolotra ny ainy ho avotra hisolo ny maro." (Marka 10:45)

2. "Fa efa tonga ny Zanak'Olona hitady sy hamonjy ny very." (Likoa 19:10)

3. "Fa Andriamanitra tsy naniraka ny Zanaka ho amin'izao tontolo izao hanameloka izao tontolo izao, fa mba hamonjeny izao tontolo izao." (Jaona 3:17)

4. "Izaho avy mba hananany fiainana, sady hananany be dia be." (Jaona 10:10)

5. Nanorina ny fiangonany i Jesosy (Matio 16:18)

6. Ny fiangonana, vahoakan'Andriamanitra, tahaka an'i Kristy, no ireo izay manokana ny fiainany hanao asa fanompoana ho an'ny hafa.

"Ny fiangonana dia ivon-toerana tendren'Andriamanitra hanavotana ny olombelona. Izy io dia natao ho an'ny asa fanompoana, ary ny iraka ampanaovina azy dia ny hitondra ny Filazantsara amin'izao tontolo izao." (Acts of the Apostles, t.9)

B. ny Iraka Lehibe nampanaovina an'i Kristy dia nomena ny fiangonany ihany koa. Mbola izany ihany no loha-laharana amin'i Kristy amin'ny rafitry ny dia ho an'ireo mpanara-dia Azy.

1. "Koa mandehana ianareo dia ataovy mpianatra ny firenena rehetra, manao batisa azy ho amin'ny anaran'ny Ray sy ny Zanaka ary ny Fanahy Masina, sady mampianatra azy hitandrina izay rehetra nandidiako anareo; ary indro Izaho momba anareo mandrakariva, ambara-pahatongan'ny fahataperan'izao tontolo izao." (Matio 28:19,20)

2. Azo antoka fa tafiditra ao anatin'ny andraikitry ny fiangonana ny fanaovana asa fanompoana ho an'ny vatana. Tsy maintsy imasoana ary atao loha-laharana hatrany anefa ireo any ivelan'ny fiangonana.

3. "Mbola zavatra kely foana, raha tonga ny Mpanompoko hanandratra ny firenen'i Jakoba ianao sy hampody ny Israely sisa voaro; fa homeko ho fanazavana ny jentilisa ihany koa ianao, mba ho famonjeko hatrany amin'ny faran'ny tany." (Isaia 49:6)

4. "Fa ianareo kosa, ... olona nalain'Andriamanitra ho an'ny tenany, mba hilazanareo ny hatsaran'ilay niantso anareo hiala tamin'ny maizina ho amin'ny fahazavany mahagaga." (I Petera 2:9)

5. Ny atao hoe vahoakan'Andriamanitra dia mandray anjara ary manolotena ho amin'ny iraka ampanaoviny.

6. "Ny iraka nampanaovin'ny Tompo ho an'ny mpianany dia handraisan'ny mpino an'i Kristy rehetra anjara mandrapahatongan'ny fahataperan'izao tontolo izao." (Ilay Fitiavana Mandresy, t.822).

D. Ny fankatoavan'ny fiangonana eo an-toerana io iraka nomen'Andriamanitra io dia misy fiantraikany amin'ny fahasalamany, ny heriny, ary ny fitomboany.

1. Te hitahy ny fiangonany sy ahita azy mitombo Andriamanitra, mba hahatonga antsika ho fitahiana ho an'ny hafa ihany koa. Ny

fampanantenan'Andriamanitra dia ny hoe ho voatahy amin'ny alalantsika ny hafa.

2. "Hitahy anao aho... ary ho fitahiana tokoa ianao... ary aminao no hitahiana ny firenena rehetra ambonin'ny tany." (Genesisy 12:1-3)

3. Nambaran'i Jesosy mzava tsara izao foto-kevitra izao: "Fa na iza na iza no ta hamonjy ny ainy, dia hahavery azy; ary na iza na iza no hahavery ny ainy noho ny amiko, dia hahazo izany." (Matio 16:25)

4. "Ny tena fiainan'ny fiangonana dia miankina amin'ny fahatokiany eo amin'ny famitana ny iraka nampanaovin'ny Tompo."

5. Rehefa manolotra ny fiainantsika ho an'ny iraka sy ny asa fanompoana ho an'izao tontolo izao izay nahafatesan'i Kristy ihany isika izay vao mahita ny fiainantsika.

6. Ny laika, izay vahoakan'Andriamanitra, dia tokony ho ahatsapa ho voakasik'izany iraka ampanaovin'i Kristy azy ireo izany. Raha tsy mahatsapa izany iraka izany dia tsy marisika firy handray anjara amin'ny asa fanompoana.

## II. Iray ihany ny fiangonana raha araka ny rafi-pandaminana

A. Fizaràna miteraka fahadisoan-kevitra: Mpitondra fivavahana sy laika. Noheverina fa ny mpitondra fivavahana dia matanjaka ara-panahy, manana fiantsoana ara-panahy, ary valisoa manokana; fa ny laika kosa dia malemy ara-panahy, nahazo fiantsoana tsy masina, ary valisoa mitovy amin'ny an'ny rehetra

1. I Gratian izaymaty tamin'ny taona 1160 fia nilaza izao: "Misy karazany roa ny Kristiana."

2. I Stephen of Tournai dia maty tamin'ny taona 1203 ary nilaza hoe: "Misy karazany roa ny olona, ny iray ambony kokoa ary ny iray ambany kokoa."



3. Ny hevitr'i Martin Luther: te hamita ny asany amin'ny alalan'ny laika Andriamanitra. Tsy manana vatana roa Andriamanitra na karazana vatana roa.

B. Hita manerana ny Soratra Masina ny "maha-iray" ny fiangonana

1. "Iray ny tena ary iray ny Fanahy, dia toy ny niantsoana anareo ho amin'ny fanantenana iray momba ny fiantsoana anareo; iray ny Tompo, iray ny finoana, iray ny batisa, iray Andriamanitra sady Rain'izy rehetra... Fa samy nomena ny fahasoavana araka ny ohatry ny fanomezan'i Kristy avy isika rehetra." (Efesiana 4:4-7)
2. "Fa tsy misy hafa na Jiosy na jentilisa, fa iray ihany ny Tompon'izy rehetra, sady manan-karena homeny izay rehetra miantso Azy Izy." (Romana 10:12-13)

C. Ao anatin'ny Testamenta Vaovao dia iray ihany ny mpitondra fivavahana sy ny laika

1. Ny andalana rehetra ao amin'ny Baiboly dia miantefa amin'ny fiangonana amin'ny maha-vondrona iray azy, fa tsy amin'ny mpitondra sasany voafantina eo amin'ny fiangonana.
2. Ny teny hoe "laos" izay nihavian'ny teny hoe "laika", dia hiantsoana ny vahoakan'Andriamanitra, fa tsy vondrona samihafa amin'ny mpitondra fivavahana: II Korintiana 6:16: "... ary izy ho oloko (laos)"; ary ny I Petera 2:9-10: "Fa ianareo kosa dia ... olona (laos) nalain'Andriamanitra ho an'ny tenany."
3. Ny atao hoe laika ara-Baiboly. Ny teny hoe "laos" dia midika ho olona manokana, olon'Andriamanitra manokana. Ny teny hoe "laos" ao anatin'ny Testamenta Vaovao dia niantsoana ireo izay mino an'i Kristy sy manaiky Azy ho Tompo sy Mpamonjy.

4. Ny teny hoe "kleros" izay nihavian'ny teny hoe "mpitondra fivavahana" dia hiantsoana ireo rehetra izay miombona amin'ny lovan'ny fanavotan'Andriamanitra, fa tsy ho an'ny vondrona iray samihafa amin'ny laika. Asa 26:18: "... hialany amin'ny maizina ho amin'ny mazava... mba hahazoany famelankeloka sy lova (kleros) eo amin'izay nohamasinina noho ny finoana Ahy." Kolosiana 1:11,12: "Ary ampahatanjahina amin'ny hery rehetra araka ny herin'ny voninahiny... ka misaotra ny Ray, Izay nampahamendrika antsika hanana anjara amin'ny lovan'ny (kleros) olona masina eo amin'ny mazava."

D. Ny andraikitra eo amin'ny iraka ampanaovina ny fiangonana dia omena ny vahoakan'Andriamanitra amin'ny maha-iray azy.

1. Izao no teny farany nolazain'i Kristy: "Ary ianareo no ho vavolombeloko hatramin'ny faran'ny tany." (Asa 1:8). Ny teny Grika hoe "ianareo" dia entina hilazana andian'olona fa tsy olon-tokana.
2. "Ianareo no fanasin'ny tany... Ianareo no fahazavan'izao tontolo izao." (Matio 5:13-14)
3. "Fa ianareo kosa dia... olona nalain'Andriamanitra ho an'ny tenany, mba hilazanareo ny hatsaran'ilay niantso anareo hiala tamin'ny maizina ho amin'ny fahazavany mahagaga." (I Petera 2:10)
4. "... fa iray ihany ianareo rehetra ao amin'i Kristy Jesosy." (Galatiana 3:28)
5. Zava-dehibe ny fampidirana io fomba fijery ara-panahy ny laika io: ny laika izay mahatsapa ho latsa-danja noho ny mpitondra fivavahana dia tsy mahatsapa ny andraikiny eo anatrehan'ny iraka ampanaovina ny fiangonana. Rehefa mandray ny toerana tena maha-izy azy ara-Baiboly ao amin'ny fiangonana ny laika dia ho

vonona izy ireo hamita ny andraikitra hampahomby azy amin'ny maha-fiangonana azy.

6. "Ny tena mpianatra tsirairay avy dia nateraka ho amin'ny fabjakan'Andriamanitra amin'ny maha-misionera ny tenany. Izay misotro amin'ny ranon'aina dia tonga loharano miboiboikan'ny fiainana. Tonga mpanome ilay mpandray. Ny fahasoavan'i Kristy ao amin'ny fanahy dia tahaka ny loharano velona any an-tany hay, miboiboika hampangatsiatsiaka ny rehetra, ary manao izay hahatonga ireo olona efa saika very haniry fatratra ny hisotro amin'ilay ranon'aina." (Christian Service, t.9)

III. Samy hafa ny andraikitra sy ny fanomezam-pahasoavana ananan'ny mambra tsirairay avy

- A. Ny Kristiana tsirairay avy dia samy manana fanomezam-pahasoavana hanao asa fanompoana; noho izany dia mpanao asa fanompoana avokoa ny mpino rehetra. (jereo ny I Korintiana 12:7-8)

1. "Antsoina ho amin'ny asa fanompoana ny Kristiana rehetra. Raha toa ka tsy mpanao asa fanompoana ianao dia fomba iray ihany koa izany entina milaza hoe tsy kristiana ianao." Elton Trueblood
2. "Zarazaraina ho samy hafa ny fanomezam-pahasoavana, nefa ny Fanahy dia iray ihany. Ary zarazaraina ho samy hafa ny fanompoana, nefa ny Tompo dia iray ihany." (I Korintiana 12:4-5)
3. "Fa tahaka ny tena iray ihany, anefa maro no momba ny tena, ary ireo rehetra momba ny tena ireo, na dia maro aza, dia tena iray ihany, dia tahaka izany koa Kristy." (I Korintiana 12:12)
4. "Misy fiteny maro samy hafa amin'izao tontolo izao ka samy manana ny heviny avy... fa ianareo no tenan'i

Kristy ary mambra ao anatin'izany... raha fatra(=paniry ny zava-panahy, dia izay hampandroso ny fiangonana no tadiavo indrindra." (I Korintiana 14:12)

B. Voafaritra ao amin'ny Testamenta Vaovao ny andraikitra ny pasitora sy ny mpampianatra: "Ary Izy nanome ny sasany ho ... mpiandry sy mpampianatra, ho fanatanterahana ny olona masina, ho amin'ny asan'ny fanompoana amin'ny fiangonana, ho amin'ny fampandrosoana ny Tenan'i Kristy." (Efesiana 4:11-12)

1. Ny andraikitra voalohany sahanin'ny mpanao asa fanompoana, raha eo amin'ny pasitora voahosotra, dia ao anatin'ny fiangonana, manao izay hampitaovana, hampianarana, ary hampahatanjahana ny laika amin'ny fanatanterahana ny asa fanompoany eto amin'izao tontolo izao.

2. Ny andraikitra ny laika: ny andraikitr'izy ireo voalohany dia ao anatin'ny asa fanapariahana ny Filazantsara sy ny asa fanompoana ho an'ny zanak'olombelona.

3. "Tsy tokony hihevitra ny mpanao asa fanompoana hoe andraikiny ny manao ny lahateny sy ny asa sy ny vavaka rehetra; tokony hanabe ny mpanampy rehetra ao am-piangonana izy." (Christian Service, t.69)

C. Ny fiangonana eo an-toerana dia manana ny fanomezam-pahasoavana rehetra ilaina hananana asa fanompoana sy fitombona mahomby.

"Ny zava-misy hoe ny Kristiana rehetra dia samy manana fanomezam-pahasoavana sy andraikitra vokatr'izany, ary tsy misy Kristiana nolalovana fotsiny ary tsy nomena fanomezam-pahasoavana, dia hiorenan'ny foto-pinoan'ny

fiangonana ao amin'ny Testamenta Vaovao. Tokony hanova ny fiainan'ny Kristiana sy ny fiangonana ihany koa izany. Maro amin'ny mpitondra fiangonana no mitaraina hoe tsy ampy fanomezam-pahasoavana hitarika ny mambra, ary izany no fialantsiny mahazatra mahatonga azy ireo tsy dia mampanandrana akory. Ny Soratra Masina anefa dia mandefa teny miantefa amin'ny fiangonana tsirairay avy eto an-toerana, teny tahaka izay nampiasain'i Paoly tamin'ny Korintiana "fa ianareo no tenan'i Kristy." Noho izany, ny Soratra Masina sy ny fanambaràna ao am-piangonana matetika dia miovaova arakaraka ny isambatan'olona; ny endrika ivelany dia maneho fa tsy dia manana fanomezam-pahasoavana firy ny fiangonana, ny Soratra Masina anefa milaza hoe: "tsy mitombina izany! Ianareo no tenan'i Kristy." Raha raisintsika amin'ny teniny Andriamanitra, dia mino ho azy isika hoe efa nanolotra Izy, na vonona hanolotra farafaharatsiny, ho an'ny fiangonana tsirairay avy eo an-toerana, ny fanomezam-pahasoavana rehetra ilainy amin'ny fiainana, fahasalamana, fitomboana, ary amin'ny asa fanompoana." John Stott

Ny fananan'ny Kristiana tsirairay avy fanomezam-pahasoavana, manana andraikitra ihany koa izany, ary tsy misy Kristiana lalovana fotsiny ary tsy nomena fanomezam-pahasoavana, dia fototra hiorenan'ny foto-pinoan'ny fiangonana ao amin'ny Testamenta Vaovao. Izany ihany koa no tokony hanova ny fiainan'ny Kristiana sy ny fiangonana.

D. Mila miara-miasa ny pasitora sy ny mambra

1. "Aoka ny mpitondra fivavahana sy ny mambra laika hiroso ho amin'ny tany feno vokatra." (Christian Service, t.67)
2. "Ny fanahy tsirairay avy izay navotan'i Kristy dia antsoina hiasa amin'ny anarany hamonjena ny very." (Christian Service, t.10)
3. "Samy notolorana asa iray avokoa ny isambatan'olona, ary tsy misy olona afaka misolo toerana ny hafa." (Christian Service, t.10)
4. Tsy ny fitorian-teny no fanampiana lehibe indrindra, fa ny fampianarana ny fomba fanaovana izany.

"Aoka ny mpitondra fivavahana hanokana be kokoa amin'ny fotoany ho amin'ny fanabeazana fa tsy ny fitorian-teny. Aoka hampianariny ny olona ny fomba fanolorana ny hafa ny fahalalana izay azony." (Testimonies, vol 7, t.20)

5. "Ny fanampiana lehibe indrindra izay azontsika atolotra ny vahoakantsika dia ny fampianarana azy ireo hiasa ho an'Andriamanitra, ary hiankina Aminy, fa tsy amin'ny mpitondra fivavahana." (Testimonies, vol 7, t.19)
6. "Efa be loatra ny toriteny ren'ny olona; kanefa moa ve mba efa nampianarina azy ireo ny fomba fiasana ho an'ireo izay nahafatesan'i Kristy? (Testimonies, vol 6, t.431)

#### 7. Fanaraha-maso sy fanampiana

Mila fanaraha-maso sy fanampiana ny laika mpiasa, raha vantany vao manomboka ny asany. Ny pasitora sy ny laika efa ampy fanandramana no mitondra izany fanampiana izany.

#### E. Ny zava-doza mety hihatra raha tsy mihetsiketsika

1. Ny tsy fihetsehana dia miteraka olana eo amin'ny fiangonana, fanakianana, sns.

"Ireo izay tsy mandray io asa io, ireo izay maneho fihetsika toa tsy miraharaha tahaka izay nataon'ny hafa, dia tsy ho ela akory dia hemry ny fitiavana voalohany ao anatiny, ary hanomboka hitsikera, hanakiana, ary hanameloka ny rahalahiny." (Christian Service, t.115)

2. Raha toa ka tsy tian'ny mpitarika ny mizara andraikitra amin'ny mambra dia tian'i Satana kosa izany.

"Rehefa avela tsy hihetsiketsika ny fiangonana, i Satana kosadia mahita fa miasa izy ireo. Azy mantsy ny toerana amin'izay fotoana izay, ary ny mambra dia ampiasainy amin'ny laharan'asa izay mitaky ny tanjak'izy ireo, manimba ny ara-panahiny, ary mahatonga azy ho lavo tahaka ny vesatra ho an'ny fiangonana." (Testimonies, vol 6, t.425)

#### TOKO 3

##### NAHOANA NO MIJORO HO VAVOLOMBELONA?

(Ny Fandraisan'anjaran'ny Laika Sy Ny Zavatra Mampazoto Azy)

Koa satria zava-dehibe ho an'ny isambatan'olona ny fijoroana vavolombelona, dia ilaina maika ny antony mampazoto ireo mambrantsika mba hijoro vavolombelona. Ireto manaraka ireto ny sasany amin'izy ireny:

I. Ny fijoroana vavolombelona amin'ny maha-Baiko ara-Baiboly azy

A. Matio 28:19,20 - "Koa mandehana ianareo dia ataovy mpianatra ny firenena rehetra, manao batisa azy ho amin'ny anaran'ny Ray sy ny Zanaka ary ny Fanahy Masina sady mampianatra azy hitandrina izay rehetra nandidiako anareo; ary indro Izaho momba anareo mandrakariva ambara-pahatongan'ny fahataperan'izao tontolo izao."

B. Isaia 60:1 - "Mitsangàna, mihazavà, fa tong any fahazavanao, ary ny voninahitr'i Jehovah efa miposaka aminao."

D. Asa 13:47 - "Fa izao no nandidian'ny Tompo anay: Efa nanendry Anao ho fahazavan'ny jentilisa Aho, mba ho famonjena hatrany amin'ny faran'ny tany ianao."

E. Asa 1:8 - "Fa hahazo hery ianareo amin'ny hilatsahan'ny Fanahy Masina aminareo, ary ho vavolombeloko any Jerosalema sy eran'i Jodia sy Samaria ary hatramin'ny faran'ny tany."

F. Marka 5:19 - "Modia ihany any an-tranonao ho any amin'ny havanao, ka lazao aminy izay zavatra lehibe nataon'ny Tompo taminao."

Ny tsirairay avy amin'ny mpanara-dia ny Tompo dia antsoiny mba ho tonga:

- ▯ Mpijoro vavolombelona (Asa 1:8)
- ▯ Iraka (II Korintiana 5:20)
- ▯ Mpandray anjara amin'ny asa fampihavanana (II Korintiana 5:17-19)
- ▯ Mpiara-miasa amin'Andriamanitra (I Korintiana 3:9)
- ▯ Hazavana sy fanasin'ny tany (Matio 5:13-14)

II. Ny fijoroana vavolombelona no valiny hasetri'nny fo ny fitiavana



- A. II Korintiana 5:15 - "Ny fitiavan'i Kritsy no manery anay."
- B. I Jaona 3:16-18 - "Iza no ahafantarantsika ny fitiavana: satria Izy no nanolotra ny ainy hamonjy antsika, ary isika kosa mba tokony hanolotra ny aintsika hamonjy ny rahalahy. Ary izay rhetra manam-pananana amin'izao fiainana izao, ary mahita ny fahantran'ny rahalahiny ka mihirim-belona aminy, ahoana no itoeran'ny fitiavana an'Andriamanitra ao anatiny? Anaka, aoka tsy ho tia amin'ny teny na amin'ny lela isika, fa amin'ny asa sy amin'ny marina."
- C. "Tsy hiova mihitsy ny olona iray raha tsy teraka ao anatiny ny faniriana hampahafantatra ny hafa ny mahanamana sarobidy an'i Jesosy. Tsy mety hampanginina ao ampony lay fahamarinana mamonjy sy manamasina." (Ilay Fitiavana Mandresy, t.141)
- D. "Tonga teto an-tany i Kristy ary nijoro nanoloana ny zanak'olombeona niaraka tamin'ny antontam-pitiavana mandrakizay, ary izany no harena izay, amin'ny alalan'ny fifandraisantsika aminy, horaisintsika, ho fantarintsika, ary handraisantsika anjara." (The Ministry of Healing, t.37)

III. Mitondra fifaliana ho an'ny fon'Andriamanitra ny fijoroana vavolombelona

Ny fanoharana ao amin'ny Lioka 15: Ilay ondry very sy ilay farantsa very. Isaky ny hita ny very iray dia misy fifaliana any an-danitra.

Lioka 15:7: "Lazaiko aminareo fa hisy fifaliana toy izany any an-danitra ny amin'ny mpanota iray izay mibebaka noho ny amin'ny olona marina sivy amby sivi-folo, izay tsy misy tokony hibebahany."

Lioka 15:10: "Lazaiko aminareo fa misy fifaliana toy izany eo anatrehan'ny anjelin'Andriamanitra ny amin'ny mpanota iray izay mibebaka."

Izao no ambaran'ny Lioka 15:32 ao anatin'ilay fanoharana momba ilay zanaka very: "Fa mety ny mifaly sy miravoravo; fa ity rahalahinao ity efa maty, fa velona indray, ary efa very, fa hita indray."

Raha toa ka misy fifaliana any an-danitra rehefa hita indray ny very, dia handalo fifaliana tahaka izany ihany koa isika avy amin'ny zavatra ataontsika eo amin'ny asantsika ho an'ny fanahy. Mitondra fifaliana ho an'ny fon'Andriamanitra ihany koa izay ataontsika. Izany no maneho fa tsy zava-poana ilay sorona nataon'i Jesosy.

IV. Mandray anjara eo amin'ny fiainana ara-panahy ihany koa ny fijoroana vavolombelona

Misy fifandraisana eo amin'ny fijoroana vavolombelona sy ny fampivelarana ny toetra.

A. "Vitan'Andriamanitra ny nanatratra ny tanjony tamin'ny famonjena ny mpanota na dia tsy misy ny fanampiantsika aza; fa mba hampivelarantsika toetra tahaka ny an'i Kristy kosa dia tsy maintsy mifampizara amin'ny asany isika. Mba ahafahana miditra amin'ny fifaliany, dia ilay fifaliana amin'ny fahitana fanahy voavotry ny sorona nataony, dia tsy maintsy mandray anjara amin'ny asany isika ho fanavotana azy ireny." (Ilay Fitiavana Mandresy, t...)

Raha toa ka tena ilaina izany dia azon'ny Tompo atao ny manao fandaharam-potoana manokana na vinavina manokana mba hamantaran'ny isambatan'olona momba ny fihavian'i Kristy fanindroany ao anatin'ny indray alina monja. Tsy manao izany anefa Izy, vokatry ny zavatra roa manan-danja:

1. Tian'ny Tompo hampivelatra toetra tahaka ny an'i Kristy isika.
2. Tiany hiainantsika ny fifaliana amin'ny fahitana fanahy voavotra noho ny sorona nataony.

Ny toetra tahaka ny an'i Kristy no zavatra tokana izay entintsika any an-danitra. Ary afaka mivelatra tokoa isika raha toa ka miara-miasa Aminy.

- B. "Ny asa fanompoana mahery vaika no ahazoana tanjaka ahafahana manohitra ny devoly." (Acts of the Apostles, t.105)

Hahazo fahefana mahery kokoa hanoherana ny devoly ireo izay mandray anjara. Zava-dehibe ny mampandray anjara olona maro araka izay azo atao amin'ny hetsika fijoroana vavolombelona.

#### V. Tenan'i Kristy ny fiangonana

A. Mandrafitra ny vatana ny rafitra toy ny firafitry ny taovam-pisefoana, ny firafitry ny taovam-pisakafoanana, ny firafitry ny lalan-drà sy ny fo, ary ny firafitry ny hozatra sy ny taolana.

Anontanio ny mpihaino: Inona amin'ny vatana no tafiditra ao anatin'ny rafitry ny taovam-pisefoana? Valiny mety ho hita amin'izany ny orona, ny tenda, ny avokavoka, sns. Anontanio hoe inona no zavatra kely indrindra kanefa manan-danja indrindra? Mety zavatra tena tsotra tokoa ny valiny: ny volo madinika ao amin'ny avokavoka. Kely tokoa izy ireo, kanefa dia tena manan-danja tokoa.

Raha tsy misy ireo volo madinika ireo dia tena mora ho an'ny olona iray tokoa ny hisehoan'ny olana mifandraika amin'ny avokavoka na omamiadan'ny avokavoka. Noho izany, na dia kely aza ny faritra sasany amin'ny vatana, dia tena manan-danja

hatrany. Mitombina ihany koa izany zavatra izany amin'ny mambra ao amin'ny fiangonantsika. Samy manana asa manokana atao ny isambatan'olona. Tsy misy na dia olona iray tsy manan-danja aza ao amin'ny fiangonana.

B. I Petera 4:10: "Samia mifanombo araka ny fanomezam-pahasoavana izay noraisinareo, dia tahaka ny mpitandrina tsarany fahasoavana maro samy hafa izay an'Andriamanitra."

Ny isambatan'olona izany dia efa nandray fanomezana manokana avy amin'Andriamanitra, ary amin'ny alalan'io fanomezana io no ahafahantsika mampiasa ilay vatana. Mianatra avy amin'ny fanandraman'i Mosesy isika, fony izy natahotra tamin'ny fotoana niantsoan'Andriamanitra azy. Toy izao no valinteniny: "Ahoana moa izany raha tsy mino ahy ny olona?" Hoy anefa ny Tompo: "Inona no any an-tananao?" Tehina no teny aminy, ary vitan'ny Tompo ny nanao fahagagana tamin'ny alalan'ny tehina tsotra satria:

D. "Ny kely eny an-tanan'i Jesosy dia be."

E. Noho izany antony izany no tokony "ampiasantsika izay zavatra ananantsika eny an-tanantsika." Zavatra tsotra, kanefa azon'ny Tompo nampiasaina. Ny fahalalana fa mahavita zavatra ho voninahitr'Andriamanitra ny olona iray, dia hamporisika ny olona hiasa ho an'ny Tompo.

VI. Ny fijoroana vavolombelona dia mifandraika amin'ny fihavian'i Jesosy

A. Matio 24:14: "Ary hotorina amin'izao tontolo izao ity filazantsaran'ny fanjakana ity ho vavolombelona amin'ny firenena rehetra, dia izay vao ho tonga ny farany."

Ny tena mpino rehetra dia te ho any an-danitra haingana araka izay azo atao mba ho afaka amin'ity tontolo feno

fahotana ity, ary mazava tsara fa ny fitoriana ny Filazantsara dia mifandray amin'ny fotoana fihavian'i Kristy fanindroany.

1. Ny fahafohizan'ny fotoana, ny fitsarana, ny fiverenan'i Kristy tsy ho ela sy ny zavatra manentana ho amin'izany.

"Fohy ny fotoana, ary tsy maintsy alamina hanao asa lehibe kokoa ny miaramilantsika." (Testimonies, vol 9, t.27)

"Velona eo amin'ny ankatoky ny fiafaran'ny tantaran'ity izao tontolo izao ity isika ankehitriny. Aoka hangovitra ny olona rehefa mahatsapa ny andraikitra vokatry ny fahalalana ny fahamarinana. Tonga ny fiafaran'izao tontolo izao. Ny fiheverana tsara ireny zavatra ireny no hitarika ny rehetra hanokana tanteraka ny zavatra ananany sy ny momba azy ho an'Andriamaniny." (Review and Herald, 23 Jolay 1895)

2. Ny fifandraisana misy eo amin'ny fijoroana vavolombelona sy ny ranon'orana farany

Tsy hilatsaka mihitsy ilay ranon'orana farany izay tena manan-danja raha tsy "tonga mpiara-miasa amin'Andriamanitra ny ampahany be indrindra amin'ny fiangonana." (Ellen G.White: Review and Herald, 21 Jolay 1896)

Apetraho ny fanontaniana hoe: Inona no ampahany be indrindra amin'ny fiangonana? Raha fintinina izany dia 51 izan-jaton'ny mambra farafaharatsiny no mila miaramiasa amin'Andriamanitra. Mila mampandray anjara olona maro araka izay azo atao isika amin'ny hetsika fijoroana vavolombelona.

## VII. Antony hafa mampavitrika

### A. Voaroba Andriamanitra

"Mila mampahery fanahy isika, misarika azy ireny, ary mambabo azy ho eo amin'ny Mpamonjy. Raha tsy izany no zavatra mahaliana antsika, raha ampanalavirintsika an'Andriamanitra ny asa fanompoana vokatry ny fo sy ny fiainana, dia mandroba Azy isika amin'ny toetra mahasarika, amin'ny fotoana, amin'ny vola, ary amin'ny ezaka. Rehefa tsy vitantsika ny manome tombotsoa ho an'ireo rahalahy mpiara-belona amintsika dia mandroba an'Andriamanitra amin'ny voninahitra izay tokony atosatsika any Aminy amin'ny alalan'ny fanovana fanahy izany." (Testimonies, vol 6, t.427)

Ny fahalalana hoe rehefa tsy mandray anjara amin'ny hetsika fijoroana vavolombelona isika dia mandroba an'Andriamanitra, no hanampy antsika hisoroka ny fandrohana an'Andriamanitra, amin'ny alalan'ny fanaovana hetsika fijoroana vavolombelona.

### B. Fankasitrahana ho an'ny mambra laika

Koa satria manampy be toy izany ny mambra laika, dia mendrika hotolorana fankasitrahana sy fisaorana eo

anatrehan'ny olona maro sy ao anatin'ny fivoriana manokana izy ireny.

Zava-dehibe ihany koa ny fanolorana fampaherezana toy ny mari-pankasitrahana, boky, sns. Ny fankasitrahana izay atolotra ny mambra laikantsika dia mety hamporisika azy ireo hanao hetsika fijoroana vavolombelona be kokoa, satria mahatsapa izy ireo fa nahavita zavatra ho an'ny Tompo.

#### TOKO 4

##### NY DINGANA FIJOROANA VAVOLOMBELONA

##### I. Ny fomba nampiasain'i Jesosy

Zava-dehibe ny mianatra avy amin'ny fomba nampiasain'i Jesosy, izany hoe ny fomba nampahomby Azy tamin'ny hetsika fijoroana vavolombelona nataony.

- A. "Ny fomba fiasan'i Kristy irery ihany no hanome aantsika ny tena fahombiazana eo amin'ny fitaomana olona."  
(Ministry of Healing, t.143)
- B. Misy dingana dimy noraisin'i Jesosy tamin'ny hetsika fijoroana vavolombelona nataony
  - 1. Nifangaro tamin'ny olona Izy, amin'ny maha-Ilay Tokana izay maniry ny soa ho azy ireo.
  - 2. Naneho hamorampo Izy.
  - 3. Natolony azy ireo izay nilainy.
  - 4. Azony ny fitokian'izy ireo.
  - 5. Niangavy azy ireo Izy nanao hoe: "Manaraha Ahy."

Ny fifangaroana dia midika hoe miara-manao zavatra. Mety anisan'izany ny fitsidihana, ny fiasana, ny filalaovana, na ny firesahana sy ny fiarahana mipetraka fotsiny ihany aza. Amin'ny alalan'ny fifangaroana no hamantarantsika ny filan'ny hafa.

Ny hamorampo no toetra maneho ny fahalianan'ny tena manokana. Ny hamorampo dia tsy miandry hatramin'ny fotoana hangatahan'ilay olona fanampiana, fa dia miseho hatrany amin'ny alalan'ny karazana fihetsika izay mampita fahalianana madio sy tsy miaro fitiavantena ho an'ny olona izay manana filàna.

Ny atao hoe manolotra izay ilain'izy ireo dia midika ho fanomezana izay ilain'ny olona, na ara-batana, na aratsaina, na ara-panahy. Izany zavatra izany dia vita amin'ny alalan'ny fanaovana asa fanompoana, fiandrasana, na fanatonana ny hafa. Tsy dia mora fantarina ny tena filàn'ny olona.

“Mahazo ny fitokian'izy ireo.” Izany no vokatry ny fanolorana ny filàn'ny vahoaka.

Ny hoe “Manaraha Ahy” dia antso hanara-dia an'i Kristy any amin'ny ho aviny.

Aorian'ny fanolorany ny filàn'izy ireo sy ny fahazoany ny fitokian'izy ireo izay vao tonga ny antso.

#### C. Nampiasa fomba fiasa samihafa i Jesosy

“Avy amin'ny fomba fiasan'i Kristy no azontsika handraisana lesona manana ny lanjany tokoa. Tsy fomba fiasa iray ihany no nampiasainy; tamin'ny alalan'ny fomba maro samihafa no nikatsahany fomba hisarihana ny fahalianan'ny vahoaka, mba ahafahany milaza amin'izy ireo ny fahamarinan'ny filazantsara.” (Welfare Ministry, t.59)



D. Nahita filàna tsapan'ny olona i Jesosy ary nanolotra izany. Asehoy ny mangarahara araka ny voalaza etsy ambony, ho amin'ny hetsika izay mitarika ho amin'ny filàna izay tsapa. Omeo tombotsoa ny mpihaino hameno ireo filàna miaraka aminao.

1. Fanasana fampakaram-bady: ny filàna tsapa tamin'izany dia ny fisorohana ny fahafaham-baraka teo imason'ny olona
2. Nikodemosy: ny filàna tsapa dia ny fahatsorana ara-panahy
3. Vehivavy teo amin'ny fatsakana: ny filàna tsapa dia ny fahatomombanana ara-pihetsehampo.
4. Ilay lehilahy teo amin'ny dobo filomanosana: ny filàna tsapa dia ny fanasitranana avy any ambony.
5. Vahoaka noana: ny filàna tsapa dia ny sakafo ara-nofo.

## II. Ny Lalàn'ny sain'olombelona

A. "Mba ahafahana mitaona fanahy ho eo amin'i Jesosy dia tsy maintsy manana fahalalana ny toetran'ny olombelona."  
(Testimonies, vol 4, t.67)

B. Ny lalàn'ny sain'olombelona dia ahitana zavatra telo manan-danja:

1. Ny lalàn'ny hamoram-panahin'ny olombelona
2. Ny lalàn'ny fahaizana mandray zavatra
3. Ny lalàn'ny fitarihana avy any ambony

C. Ny lalàn'ny hamoram-panahin'ny olombelona

1. Ny lesona avy amin'ny fiainan'i Jesosy:

- ▯ Iza no nolazainy tamin'ny mpanora-dalàna: "Tsy lavitry ny fanjakan'Andriamanitra ianareo."
- ▯ Iza no nolazainy tamin'ilay vehivavy Kananita: "Lehibe ny finoanao."
- ▯ Iza no nolazainy tamin'ilay kapiteny: "Mamelàa azy ireo."

2. Fahombiazana eo amin'ny resaka fifandraisana

Tsy dia fantatra amin'ny ankapobeny hoe ao anatin'ny fifandraisantsika amin'ny hafa, ny teny izay ambarantsika na ny zavatra hita ao anatin'ny hafatra entintsika dia mandrafitra ny 7% amin'ny fifandraisana fotsiny ihany; ny filanton'ny feo kosa no mameno ny 38%, ary ny fihetsika na ny hafatra amin'ny alalan'ny fihetsika no mameno ny 55%.

Ohatra, na dia fantatra sy azontsika lazaina aza hoe isika, amin'ny maha-Fiangonana Advantista Mitandrana ny Andro Fahafito antsika, no tena fiangonana sisa marina, izany dia miankina be amin'ny fomba fampitantsika io fahalalana io sy ny fihetsitsika, raha toa izany ka mifanaraka amin'ilay hafatra na tsia. Noho izany, zava-dehibe ny mahatakatra ny fahamorampon'olombelona izay miseho amin'ny alalan'ny fihetsitsika.

3. Nahoana moa no atao hoe asa fanompoan'ny fahamorampo Advantista?

Ny asan'ny Advantista dia ny "manolotra ara-potoana ny filàna aloha," ary "mitady lalana misokatra ho any amin'ny fo" izay toerana ahafahan'izy ireo "mamboly ny voa tsaran'ny fahamendrehana sy ny fivavahana." (Testimonies for the Church, vol 4, t.227)

#### 4. Asa fanompoana eo anivon'ny fiarahamonina

Araka ny fahitana fa maro ny olona no voakasika amin'ny alalan'ny asa fanompoan'ny fahamorampo, dia zava-dehibe tokoa ny fandraisana anjara amin'ny hetsika isan-karazany.

a. Ny asa fanompoana eo amin'ny fiarahamonina dia elo lehibe izay manarona ny asa rehetra tafiditra ao anatin'ny fanampiana ny rahalahintsika.

- ▢ Mamahana ny noana – Matio 14:16
- ▢ Manafy ny mitanjaka – Lioka 3:11
- ▢ Mampiantrano vahiny – Matio 25:35
- ▢ Mitsidika ny tsy salama – Matio 25:36
- ▢ Mitsidika ny any am-ponja – Matio 25:35
- ▢ Mitsidika ny mpitondratena – Jakoba 1:27
- ▢ Mitsidika ny kamboty (ny tsy manan-drainy) – Jakoba 1:27
- ▢ Mampisotro ny mangetaheta – Matio 25:35

- ▯ Mampahery ireo izay miatrika olana, azom-pahoriana, ary miady amin'ny fahafatesana – II Korintiana 1:4
- ▯ Fanabeazana ara-pahasalamana
- ▯ Famonjena voina
- ▯ Fampianarana resaka ara-tsakafo
- ▯ Lasy iarahana amin'ny namana

b. Ny asa fanompoana ho an'ny fiarahamonina dia midadasika kokoa noho ny sakafo, lamba firakotra, ary fitafiana. Ramatoa White dia nanoratra momba ny asa misionera eo amin'ny sehatry ny fahasalamana.

“Ny teny hoe asa misionera eo amin'ny sehatry ny fahasalamana, araka ny fampiasan-dramatoa White azy matetika, dia mivelatra mihoatra lavitry ny fetran'ny asa fanompoana ara-pahasalamana, maneho ny asam-pamindrampo rehetra sy ny fahatsorana tsy mitady tombony ho an'ny tena.” (Welfare Ministry, t.36)

c. “Ny olombelona izay mila ny fahatsorantsika sy ny zavatra atolotsika amim-pahatsorana no mpifanolo-bodirindrina amintsika. Ny ory sy ny mahantra amin'ny saranga rehetra no mpifanolo-bodirindrina amintsika; ary rehefa ampahafantarina antsika ny zavatra ilain'izy ireny dia andraikitsika ny manamaivana azy

ireny araka izay azo atao.” (Testimonies, vol 4, t.266)

d. Raiso ho toy ny zanak’Andriamanitra izay nahafatesan’i Kristy ny olona tsirairay avy liana.

▯ Tsy mbola nahavita ny andraikitsika tanteraka isika fony nameno sakafo ny kibo sy nanafy ny nihanjaka.

▯ Tsy vita ny asantsika raha tsy efa nandre ny momba an’i Jesosy ihany koa izy ireo ary voababo ho an’i Kristy raha mety.

e. “Navotana ho amin’ny asa fanompoana ny mpanara-dia an’i Kristy. Mampianatra ny Tompontsika hoe ny tena tanjona marina eo amin’ny fiainana dia ny asa fanompoana.” (Christ’s Object Lessons, t.326)

#### D. Ny lalàn’ny fahaizana mandray zavatra

1. Samihafa ny fetran’ny fahaizan’ny olona mandray zavatra. Mora mandray ny sasany ary tsy dia liana firy ny sasany.

2. Zavatra roa no fanalahidy famantarana ny fahaizan’ny olona mandray zavatra:

a. Olona mihatra amin’ny tena manokana

b. Zavatra mandona avy amin’izao tontolo izao

Mitranga ny olana mihatra amin'ny tena manokana rehefa misy olona iray manana olana ara-pianakaviana, olana ara-pihetsehampo, na olana ara-pahasalamana. Amin'ireny fotoana manokana ireny ny olona no mora mandray zavatra kokoa.

### 3. Ny filaharan'ny tahan'ny fahaizana mandray zavatra

Ny fotoana maha-ambony indrindra ny fahaizana mandray zavatra dia amin'ny

- a. Fahafatesan'ny vady - 100%
- b. Fisaraham-panambadiana - 73%
- c. Fisarahan-toeran'ny mpivady - 65%
- d. Fe-potoana hijanonana any am-ponja - 63%
- e. Fahafatesan'ny mambran'ny fianakaviana akaiky iray - 63%
- f. Ratra na aretna mihatra amin'ny tena manokana - 63%
- g. Mariazy - 50%
- h. Voaroaka amin'ny asa - 47%

### 4. Ilay tetezana (Tsipiky ny Fahalianana ara-Panahy)

Koa satria ilay tsipiky ny fahalianana ara-panahy dia samihafa amin'ny tsy fahalianana ara-panahy ho tonga anisan'ny fiangonana Advantista, dia ilaina mazava ho azy ny tetezana hitaomana ny olona hahatsapa fahalianana ara-panahy. Ny tetezana ambara eto dia ireo olona izay mihevitra ny ara-batana, ny ara-tsaina, ary ny ara-tsosialy.

5. Ny fahamehana amin'ny fanolorana ireo filàna isan-karazany, na ara-pihetsehampo, na ara-batana, na ara-tsosialy, na ara-panahy.

a. Ara-pihetsehampo: raha toa ilay olona ka nandalo alahelo na fisaraham-panambadiana, dia misy famerenana ny alahelo sy ny fisarahana amin'ny laoniny.

b. Ara-batana: mpifoka sigara be ny olona sasany. Ilain'izy ireo ny manatrika kilasy fampianarana momba ny fifohana rivotra amin-kalalahana.

c. Azon'ny fiangonana atomboka ny sasany amin'ireny fandaharam-potoana ireny, arakaraky ny zavatra ilain'ny olona, eny fa na dia ny mambra izay manana talenta sy fanomezam-pahasoavana isan-karazany ihany koa aza dia afaka manao izany.

E. Ny lalàn'ny fitarihana avy any ambony

Hanampy antsika ny Tompo hihaona amin'ny olona izay mil any Mpamonjy.

Hoy i Jesosy tamin'izy ireo: "Ny Raiko miasa mandraka ankehitriny, ary Izaho koa miasa." (Jaona 5:17)

Hevero ny amin'ny fitarihana avy any ambony ao amin'ny ohatra ara-Baiboly tamin'ny resaka nifanaovan'i Paoly, Kornelio, sy ny tandapa Etiopiana iray.

Ilay Andriamanitra Ray, i Jesosy, ary ny Fanahy Masina no miara-miasa amintsika; koa satria miasa ny isambatan'olona dia hitondra antsika hihaona amin'ny olona izay mila ny Mpamonjy ny Tompo mba ahafahantsika mizara ny hatsaran'ny famonjena amin'izy ireny.

## TOKO 5

### MAHITA FAHALIANANA

#### I. Ny Fomba Fiasa Oikos

A. Ny teny Grika hoe oikos dia midika hoe trano, fa ao amin'ny Baiboly kosa izy dia ampiasaina matetika amin'ny heviny midadasika hoe tokatrano, na fianakaviana mivelatra. Izany no fomba fiasa takian'i Jesosy ary ampiasaina manerana ny Testamenta Vaovao. Io fomba fiasa mampifandray io no mahomby indrindra amin'ny fomba famaboana fanahy.

#### B. Ohatra ara-Baiboly ny amin'ny fomba fiasa Oikos

Nanomboka tamin'ny fiainan'i Abrahama, i Josefa tany Egipta, hatramin'ny fotoanan'ny Testamenta Vaovao. Ny fomba nanatonan'ny olona avy amin'ny isam-pianakaviana ny Tompo.

II. OIKOS- "Izy io no fomba nanorenana ny fiangonana Kristiana. Nifidy olona vitsivitsy aloha i Kristy ary nanasa azy ireo hanaraka Azy. Dia lasa izy ireo nitady ny havany sy ny olompantany, ary nitondra azy ireo teo amin'i Kristy. Izany no fomba tokony entitsika miasa. Ny fanahy vitsy izay voataona sy miorina tanteraka amin'ny fahamarinana dia ho tonga mpiasa ho an'ny hafa, tahaka ireo mpianatra tany am-piandohana." (Welfare Ministry, t.60)



### III. Ahoana No Fomba Nidiran'ny Olona Ho Anisan'ny Fiangonana Kristiana?

Araka ny fandalinana natao dia hita fa ny ankabeazan'ny olona izay niditra ho anisan'ny fiangonana vokatry ny namana na havana dia manelanelana ny 75-90%. Izy io dia maneho fa mbola azo ampiasaina tsara hatramin'izao fotoana izao ny fomba fiasa oikos.

#### V. Ny fomba fiasan'ny oikos iray

Ny oikos an'i Rona Johnson amperinasa. Manazava ny fomba niovan'i Ron fo tamin'ny Mey 1974. Nitaona an'i Ken sy Mary Morris zanak'havany teo amin'ny Tompo izy ireo ny Jolay 1974. Tamin'ny Marsa 1975 izy ireo no nitondra ny rainy sy ny renikeliny, i Elmer sy Ann Morris. Taoriana indray i Elmer dia nitondra an'i Gordon Morris rahalahiny, ny volana Septambra 1979, dia toy izany hatrany.

Noho izany, avy tao amin'ny fianakaviana Johnson/Morris dia nahitana olona 20 tonga mambran'ny fiangonana, tao anatin'ny dimy taona.

#### V. Taratasy Fiasana Famantarana Ny Oikos

Asao ny mpihaino hametraka ny anarany eo amin'ny faribolana afovoany, rehefa izany dia apetaho ireo mambra oikos (1 hatramin'ny 5) izay namana sy Havana hiasany.

#### VI. Faribolan'ny olona hiasana

Fomba hafa ahafahana mahita ny fomba fiasa oikos ihany koa ny fampiasana ny faribolan'ny olona hiasana:

##### A. Fianakaviana

##### B. Namana akaiky

D. Mpiara-miasa

E. Olom-pantatra

Asaivo tanisan'ny mpihaino ny isan'ny olona hiasany any ivelan'ny fiangonana. Azon'izy ireo soratana tsirairay izany ary zava-dehibe tokoa ny manomboka amin'ny vavaka ho azy ireo tsirairay avy, ary manomboka manao zavatra hamaboana ny fanahiny ihany koa.

VII. Ny Isambatan'olona liana mitsidika matetika ny fiangonana

A. Ny mpamangy izay mitsidika ny fiangonana sy ny fandaharam-potoana hafa rehetra

B. Ny isambatan'olona izay nahavita ny fandaharam-potoana fianarana ara-Baiboly an-taratasy hifandefasana izay karakaraintsika

D. Ny ray aman-drenin'ny ankizy izay manatrika ny Sekoly Biblikan'ny Fialantsasatra

E. Ny namana avy any amin'ny Fandaharam-potoana Fiarahana Mivory

F. Ny mpianatra tsy AMAF izay mianatra ao amin'ny sekolintsika Advantista sy ny ray aman-drenin'izy ireny

G. Ireo mpanjifa tsy tapaka ny asa soratsika fitoriana ny Filazantsara

H. Ireo izay manatrika ny fivoriana fitoriana ny Filazantsara ataontsika, kanefa mbola tsy nandray fanapahan-kevitra hanolotena ho an'i Jesosy.

## HETSIKA TSOTRA FIJOROANA VAVOLOMBELONA

### I. Milaza Amin'ny Rehetra Hoe Maty Ho An'ny Rehetra i Kristy

Tsy marina isika (Romana 3:23)

A. Tsy misy mendrika ny famonjena isika na dia iray aza

B. Nanolotra fanomezana ho an'izay rehetra manatona Azy Andriamanitra

- Ny manana
- Ny mambran'ny fiangonana
- Ny mahantra
- Ny afa-baraka
- Ny nolavina
- Ny marary
- Ny maloto
- Ny mamo
- Ny olona sambatra
- Ny ankizy hiharan'ny fanararaotana

#### NY REHETRA

### II. Ny fomba fiasa FAAF

F - Fianakaviana

A - Asa aman-draharaha

A - Antokom-pinoana

F - Fijoroana Vavolombelona

Ny fianakaviana aloha no resahantsika mialoha satria ny olona dia liana hatrany amin'ny resaka momba ny fianakaviany.

Aorian'izany vao mety misy olona manontany momba ny andraikiny na ny asany, arahan'ny fiangonana izay andehany amin'izao fotoana izao, ary farany, ny fijoroana vavolombelona ataon'ny tenany manokana.

### III. Ireo Singa Telo Manan-Danja Ao Anatin'ny Fijoroana Vavolombelona

A. Ny fiainako talohan'ny nanekena an'i Kristy

B. Ny fomba nahatongavako ho Kristiana

D. Ny fiainako hatramin'ny naha-kristiana ahy

### IV. Ny Filàna Fijoroana Vavolombelona Mampatanjaka

A. Azon'ny Kristiana atao ny ho tonga mpijoro vavolombelona mahomby ho an'i Kristy raha ta izy ka manana fijoroana vavolombelona matanjaka. Ny fiainana mahatoky amin'ny maha-Kristiana dia fijoroana vavolombelona goavana tokoa.

Manana fanandramana sarotra ny Kristiana sasany rehefa manandrana mijoro vavolomeblona izy ireny, mety hanampy kokoa amin'ny fiheverana ny momba izany angamba ny ohatry ny apostoly Paoly. Ao amin'ny ASA 26 no ahitantsika ny tantaran'i Paoly niseho teo anatrehan'i Agripa. Omen'i Paoly antsika ao amin'ny andininy 4-11 ny endriky ny fanofanana nataony taloha tamin'ny maha-Fariseo azy, sy ny zavatra nataony tamin'ny fiangonana Kristiana tany ampiandohana. Ao amin'ny andininy 12-15 no iresahany momba ny resaka manokana niarahany tamin'i Jesosy. Ao amin'ny andininy 16-23 no maneho ny toromarika izay nomen'Andriamanitra an'i Paoly. Izao no valiny avy amin'ny mpanjaka Agripa ao amin'ny andininy faha-28: "Hay! Ataonao fa mora toy izany no hampenekenao ahy ho kristiana." Izao

anefa no nasetrin'i Paoly ny valitenin'i Agripa: "Mangataka amin'Andriamanitra aho, fa na amin'ny mora na amin'ny sarotra, tsy ianao ihany, fa izay rehetra mandre ahy anio, dia hitovy amiko afatsy amin'ireto gadra ireto ihany." Nanao fanasana ho an'ny isambatan'olona i Paoly tamin'ny fetin'ny mpanjaka hanekena an'i Jesosy ho Tompo sy Mpamonjy ny tenan'izy ireo manokana.

#### B. Manamafy ny Lafitsara

Ny lafitsara ihany no tokony hamafisintsika ao anatin'ny fijoroana vavolombelona ataontsika. Ataovy azo antoka amim-pinoana fa i Jesosy Kristy no Mpamonjy antsika. Tamin'ny alalan'ny fanandramana teo amin'ny fiainan'i Paoly no ahafahantsika mampiasa ny ohatra ara-Baiboly sy mamaritra azy ireny ho fijoroana vavolombelona mampiasa ny endrika hoe "Iza moa aho talohan'ny nahatongavako ho Kristiana", "Ny fomba nahatongavako ho Kristiana" ary ny hoe "Ny antom-pisian'i Jesosy Kristy teo amin'ny fiainako."

#### C. Aoka Ho Fohy Ny Fijoroana Vavolombelona Ataonao

Raha toa ka tsy maintsy voasa hijoro vavolombelona amin'ny alalan'ny fijoroana vavolombelona ataonao ianao, ary mahatsapa ho matahotra na tsy afapo, dia soraty ny fijoroana vavolombelonao. Ampiasao ireo teboka telo nomena tetsy ambony, ho hevi-dehibe ifanakalozan-kevitra. Aoka ho fohy ny fijoroana vavolombelona atao ary hivantana avy hatrany amin'ny votoatin-dresaka. (telo hatramin'ny dimy minitra)

#### V. Ny maha-tsotra ny Famonjena

Ampidiro ny momba ny maha-tsotra ny famonjena. Ireto avy no tafiditra ao:

#### A. Andriamanitra

1. Andriamanitra. Inona no teny manan-danja indrindra eo amin'ny toerana voalohany? Andriamanitra. Andriamanitra no niandohan'ny zava-drehetra. Niandohan'ny famoronana sy ny niandohan'ny famonjena (Salamo 3:8; 68:20)

2. Tia anao Andriamanitra. Fomba iray hijerena ny lafiny tsara sady mahomby eo amin'ny lahateny ataonao izy io.

Nanao drafitra manokana ho an'ny fiainanao Andriamanitra. Izany dia hafatra izay tokony horenesin'ny olona.

#### B. Ny Olombelona

Ny olombelona. Izany no mitondra antsika amin'ny resaka momba ny fahotana. Mitondra fisarahana sy fahafatesana ny fahotana. (Isaia 59:2; Romana 6:23). Koa satria efa nanota avokoa ny rehetra (Romana 3:23), dia tafasaraka amin'Andriamanitra ny rehetra. Mila an'i Kristy sy ny famonjeny ny olon-drehetra, ary tsy mahavita mikatsaka tanteraka an'Andriamanitra sy ny fiainana be dia be amin'ny alalan'ny ezaka ataon'ny tenany manokana ny olon-drehetra.

#### D. I Jesosy

I Jesosy no valiny avy amin'Andriamanitra, teo anatrehan'ny olan'ny fahotana sy ny fisarahana teo amin'ny olombelona. Tonga ho vahaolana i Kristy.

1. Tonga ho antsika i Kristy, velona ho antsika, maty ho antsika, niakatra ho antsika, mifona ho antsika. (Hebreo 7:25)

2. Hoy i Jesosy hoe: "Izaho no làlana."

#### E. Isika

Mba ahalalana momba ny olan'Andriamanitra sy ny olombelona teo amin'ny fisarahana vokatry ny fahotana, ary satria i Kristy izay vahaolana avy amin'Andriamanitra teo anatrehan'ny olan'ny olombelona dia tsy ampy raha tsy mandray an'i Kristy ho famonjentsika isika. Misy hetsika fanehoana sitrapo avy aty amintsika. Tsy maintsy mifidy ny handray an'i Kristy isika. Tsy maintsy mifidy hampiasa ny finoana ao amin'i Kristy isika. Tsy maintsy mifidy ny hamela Azy hiditra eo amin'ny fiainantsika isika. Mety hisy olona mahalala tsara ny momba an'Andriamanitra sy ny olona ary i Kristy kanefa very. Tsy maintsy misy safidy ho an'i Kristy izany, hantona sy hifehy ny seza fiandrianan'ny fiainany. Rehefa mifidy an'i Jesosy amin'izay isika dia hisy fiovana eo amin'ny fiainantsika, manomboka fiainam-baovao ao amin'i Jesosy Kristy isika.

#### VI. Ny Fahatsoran'ny Filazantsara araka ny Fanahin'ny Faminaniana

- A. "Resaho amin'ny maha-tsotra azy ny filazantsara. Araho ny ohatr'i Kristy, dia ahazo valisoa amin'ny fahitana ny mpianatrao voababo ho Azy ianao." (Counsels to Teachers, t.255)
- B. "Fo an'arivony no mety ho voababo amin'ny alalan'ny fomba tsotra indrindra. Ny maranitsaina indrindra, ireo izay hifantohan'ny maso sady indraindraina ho lehilahy sy vehivavy lehibe sy manana fanomezam-pahasoavana eto amin'izao tontolo izao, matetika no ataon'ny manetry tena indrindra sy ny teny tsotra indrindra tonga saina, izay avy amin'ny olona iray tia an'Andriamanitra, ary afaka miresaka momba io fitiavana io mandeha ho azy tahaka ny fomba firesak'izao tontolo izao momba ny zavatra izay heverin'ny sainy sy mameno ny sainy. Ny teny, na dia voamana tsara sy nohalalinina tsara aza, dia manana hery miasa mangina kely; fa ny asa marina sy mahitsy ataon'ny zanaka lahy sy ny zanaka vavin'Andriamanitra ao anatin'ny

teny na ao anatin'ny asa fanompoana amin'ny zavatra kely, natao tamim-pahatsorana mandeha ho azy, no hanokatra ny varavarana izay nkatona efa ela, amin'ny fanahy maro." (Evangelism, t.443)

- C. "Eny fa na dia ny lehilahy lehibe aza dia mora voasariky ny fahatsoran'ny Filazantsara, raha mitaha amin'ny ezaka atao amin'ny hery maha-olombelona." (Evangelism, t.557)
- D. "Ny zavatra ilainao dia ny fanandramana velona amin'ny zavatra momba an'Andriamanitra, ary ny fahatsorana eo amin'ny fanehoana ny fitiavan'i Kristy amin'ny very." (Sons and Daughters of God, t.266)